



SIB QHIA XOY XWM

Volume 3, Issue 3, July, 2009

Tsab xov xwm no yog rau cov neeg zov cov me nyuam uas zov cov me nyuam hauv Wisconsin Shares Kev Pab Them Nqi Zov Me Nyuam, ib qho kev pab cuam uas pab cov tsev neeg uas tau nyiaj tsawg them cov nqi zov me nyuam uas muaj cai tswj thaum uas mus koom hauv cov dej num ua hauj lwm.

IB TSAB XOY XWM TSHWJ XEEB

TXOJ CAI TSHIAB TXOG KEV CEEV NTAUB NTAWV



Txoj Cai Tshiab Txog Kev Ceev Ntaub Ntawv rau Cov Neeg Zov Me Nyuam Hauv Wisconsin Shares

Pib lub Rau Hli Ntuj Tim 30, 2009 mus, tag nrho cov neeg zov me nyuam uas tau nyiaj them zov me nyuam los ntawm Wisconsin Shares Kev Pab Them Nqi Zov Menyuum yuav tsum tau ceev cov ntaub ntawv sau cov sij hawm tuaj rau zov mus yam tsawg 3 xyooos tom qab hnuv uas tus me nyuam tuaj rau zov zaum kawg.

Wisconsin Tsab Cai 28 (“nyiaj txiag yuav tau los thiab yuav siv tawm rau 2009-2011”) tau kos npe rau siv los ua ib txoj cai los ntawm Tus Nom Kav Xeev Doyle thaum lub Rau Hli Ntuj Tim 29, 2009. Ib nqe ntawm tsab cai no tsim muaj s.49.155(6m) uas kom cov neeg zov me nyuam yuav tsum tau ceev cov ntaub ntawv sau tseg rau tag nrho cov me nyuam uas tso cai rau. Cov ntaub ntawv qhia tias tuaj rau zov thaum twg ntawd muaj **cov sij hawm txhua hnuv** rau txhua tus me nyuam nrog rau lub sij

hawm tuaj txog thiab lub sij hawm tawm mus tsev.

Twb tau kom koj yuav tsum tau muaj thiab ceev cov ntaub ntawv no rau tag nrho cov me nyuam uas koj zov uas yog ib nqe hauv koj daim ntawv tso cai (license) los sis daim ntawv pom zoo (certification).

Txoj cai tshiab kom koj yuav tsum tau khaws cov ntaub ntawv ntawd mus yam tsawg 3 xyooos tom qab tus me nyuam tsis tuaj rau koj zov lawm yog hais tias koj tau nyiaj them zov me nyuam los ntawm Wisconsin Shares rau tus me nyuam ntawd.

Tsab cai tshiab no hais heev txog qhov tseem ceeb ntawm cov ntaub ntawv ceev tseg uas qhia txog lub sij hawm tuaj rau zov txhua hnuv uas qhia tias cov me nyuam uas koj hais tias koj tau zov es kom them nyiaj zov me nyuam rau koj ntawd nws yeej tuaj rau koj zov tiag. Thaum uas peb ntsuam xyuas ib tug neeg zov me nyuam, peb cia siab tias tus neeg zov me nyuam yuav muaj cov ntaub ntawv no rau peb ntsuam xyuas tias yeej tau zov tiag. Kev muaj cov ntaub ntawv kom meej thiab muab tam sim ntawd thaum uas nug txog yog ib qho uas yuav tsum tau ua hauv qhov kev pab cuam thiab yog

Yog hais tias koj xav tau cov lus qhia no ua lwm yam, xav kom muab txhais ua lwm hom lus, los sis muaj lus nug/tswv yim hais txog cov lus qhia hauv tsab xov xwm no, thov e-mail ChildCare@Wisconsin.gov los sis hu rau 888-499-3464. Yog muaj lus nug txog ntawm pej xeem cov cai, hu (608) 266-6889 los sis (866) 864-4585 TTY (Hu Dawb). Cov xov xwm uas tau tshaj tawm yav tas los no muaj nyob rau ntawm <http://dct.wisconsin.gov/childcare/wishares/newsletter.htm>.

koj qhov kev tiv thaiv zoo tshaj plaws ntawm kev ntsuam xyuas tus neeg zov me nyuam.



Txoj kev tsis ceev thiab tsis khaws cov ntaub ntawv qhia txhua hnuv tias tuaj rau zov rau txhua tus me nyuam yog ib qho kev ua txhaum cai hauv Wisconsin Shares Kev Pab Them Nqi Zov Me Nyuam. Yog hais tias koj tsis khaws cov ntaub ntawv uas yuav tsum tau muaj no, tej zaum lub Caj Meem Fai (Department) yuav tau ncuav kev them nyiaj thiab txiav cov nyiaj uas tau them tshaj ntawd rov qab. Cov ntaub ntawv sau yuav tsum tau muaj tom qhov chaw zov me nyuam thiab yuav raug soj ntsuam los ntawm lub Nras (County), Lub Caj Meem Fai Xyuas Txog Cov Me Nyuam thiab Tsev Neeg (Department of Children and Families), los sis lwm cov laj fai uas Lub Nras los sis Lub Caj Meem Fai xaiv.


Koj yuav tsum tau khaws cov ntaub ntawv no mus 3 xyoo txawm tias koj tsis ua ib tug neeg zov me nyuam lawm los sis tsis zov cov me nyuam uas tau nyiaj pab los ntawm Wisconsin Shares lawm. Koj yuav nyeem tau cov lus tseeb txog tsab cai no nyob rau tom kawg hauv daim ntawv xov xwm no.

Kev Xyaum Ua Zoo Tshaj Plaws

Cov neeg zov me nyuam yuav tsum tau sau cov sij hawm tuaj rau zov txhua hnuv thiab khaws cov ntawv mus yam tsawg 3 xyoo tom qab tus me nyuam tsis tuaj rau zov lawm. Nws yog qhov zoo rau koj los hais kom cov niam

txiv xyuas tias lawv pom zoo nrog koj txog koj cov ntaub ntawv sau txog cov sij hawm tuaj rau zov yam tsawg ib zaug ib plua (week). (Cov neeg zov me nyuam uas lawv lub nras tau hais kom ntsuam xyuas heev zog yuav tsum tau ua raws li cov lus qhia tshwj xeeb ntawd).

Txoj kev kom niam txiv kos npe rau daim ntawv sau cov sij hawm tuaj rau zov pab tau koj yog hais tias tus niam txiv hais tias tus me nyuam tsis tau tuaj rau koj zov rau tag nrho cov sij hawm uas koj xa mus rau kom Wisconsin Shares them.



Ib lo lus hais txog kev kwv yees (rounding)

Txoj cai tshiab no, nrog rau cov cai uas twb muaj lawm hais txog daim ntawv pom zoo thiab daim ntawv tso cai, kom koj yuav tsum tau sau lub sij hawm uas **tuaj txog** thiab lub sij hawm uas **tawm mus tsev**. Rau kev siv rau kev pab them nyiaj, qhov ntawd txhais tias lub sij hawm uas koj nyeem ntawm lub moos. Koj yuav xam mus kom ze rau 5 feeb kom nws thiaj li yooj yim rau koj xam. Tiam sis koj yuav kwv yees **tsis tau** ntxiv lawm hauv kev sau lub sij hawm uas tuaj txog thiab tawm mus tsev.

Piv txwv li: Susan tuaj txog thaum 9:16 sawv ntxov thiab tawm mus tsev thaum 4:42 tsaus ntuj. Koj sau tias tuaj txog thaum 9:15 sawv

ntxov thiab tawm mus tsev thaum 4:40 tsaus ntuj los txoj cai tseem kam. **Koj sau tsis tau** tias tuaj txog thaum 9:00 sawv ntxov los sis 9:30 sawv ntxov los sis tawm mus tsev thaum 4:30 los sis 5:00. Hauv qhov ua piv txwv no, lub sij hawm tag nrho rau hnuv ntawd yog 7 teev thiab 25 feeb (siv 9:15 ua lub sij hawm tuaj txog thiab 4:40 ua lub sij hawm tawm mus tsev).

Hauv cov kev taw qhia yav tas los hais txog qhov sau koj cov sij hawm tag nrho txhua hnuv thiab txhua plua (weekly) mas, tau hais rau koj tias koj muab kwv yees mus kom ze rau peb caug feeb hauv ib teev twg rau koj qhov uas zov tag nrho rau hnuv ntawd. Hauv qhov kev piv txwv no, koj yuav qhia tias koj tau zov tag nrho rau hnuv ntawd yog 7 teev thiab peb caug feeb.

**Los ntawm 2009 Wisconsin Tsab Cai 28,
nyiaj txiag yuav tau los thiab yuav siv tawm
rau 2009-2011.**

49.155(6m) TUS NEEG ZOV ME NYUAM KEV CEEV
NTAUB NTAUVV.

Hais txog cov ntaub ntawv qhia lub sij hawm tuaj rau zov, ib tug neeg zov me nyuam yuav tsum tau ua tag nrho cov nram qab no:

(a) Tswj cov ntaub ntawv sau cov sij hawm zov txhua hnuv rau txhua tus me nyuam uas tus neeg zov me nyuam zov hauv seem no [Wisconsin Shares], nrog rau lub sij hawm uas tuaj txog thiab lub sij hawm tawm mus tsev rau txhua tus me nyuam.

(b) Ceev cov ntaub ntawv sau txog cov sij hawm tuaj rau zov txhua hnuv raws li hauv nqe (a) rau txhua tus me nyuam mus yam tsawg 3 xyoos tom qab hnuv kawg uas tus me nyuam tuaj rau zov, tsis hais seb tus neeg zov me nyuam puas tseem tau nyiaj los sis puas tseem tsim nyog tau nyiaj them zov me nyuam los ntawm seem no.

Yog hais tias koj xav tau cov lus qhia no ua lwm yam, xav kom muab txhais ua lwm hom lus, los sis muaj lus nug/tswv yim hais txog cov lus qhia hauv tsab xov xwm no, thov e-mail ChildCare@Wisconsin.gov los sis hu (608) 888-499-3464. Yog muaj lus nug txog ntawm pej xeev cov cai, hu (608) 266-6889 los sis (866) 864-4585 TTY (Hu Dawb). Cov xov xwm uas tau tshaj tawm yav tas los no muaj nyob rau ntawm <http://dcf.wisconsin.gov/childcare/wishares/newsletter.htm>.